

# کلاتيا

سورت کيريمن هق توهن بري فولوس  
توليس کفد فواق المسيح دنکري کلاتيا

فولوس جانئ سئورغ هق باوا تيته المسيح

باب 1

1-2 اكو فولوس، دغن سموا اديق براديق هق دوق سكالئ دغن

اكو دسينئ، توليس سورت ني کفد فواق ۲ المسيح دنکري

کلاتيا. اكو ني باوا تيته المسيح، بوکن اصل رماء نسي اتوا

کوء جالن ماء نسي لتق، دق! تافي کوء جالن عيسى المسيح

دغن توهن باف، هق بري عيسى بگکيت هيڊوف کليق تو.

3 اكو مينتاء توهن باف دغن ربّي کيت عيسى المسيح، چوچور

رحمة ني اتس فواق مو، دغن سلامت سجهترا.

4 ربّي نيله هق قربان ڊيري انتوق طاعة کهندق توهن باف،

نق فرهايس دوسا ۲ کيت، فس نق بري کيت بوليه سلامت

درفد فرياغ هق جاهت ني.

5 سوغ فاتوتله نق فوجي کملئان توهن، بوات سلام ۲، امين.

خبر بآئک سا ساج تاءاد هق لآئين

6 اكو براس حيران ترهائف فواق مو! دالم ماس مئجوت

فواق مو داتغ ۲ تيغگل توهن، هق فغکيل مو دغن کران رحمة

- 7 المسيح تو، فس مو کي توروٽ خبر هق کات باءِڪ، لاءِين فد انجيل. سوڻگوو، تاءِ ار ده خبر باءِڪ هق لاءِين. تافي اڪو کات بالسني، سبب ار اورغ ۲ هق ماري کاجو فواق مو، فس ري دوق کاجغ نق اوبه خبر يڄ باءِڪ چارا حال المسيح تو.
- 8 ولو اڪو سنديري ماري، اتوا ملائڪه دشرگ فون، نق رويت خبر کات انجيل، تافي ايسي ري لاءِين فد انجيل هق اڪو ماري رويت دولو تو، جاديله مرک توهن دوق اتس ري.
- 9 هق اڪو بيلاس رويت دولو، اڪو نق فرايغت سڪالي لاکي، ياءِيت کالو اورغ مان ۲ ماري رويت کافواق مو خبر، هق کات باءِڪ، تافي ايسي ري لاءِين فد انجيل هق مو تريما ده دولو تو، جاديله مرک توهن دوق اتس ري!
- 10 نغن باچ هق اڪو توليس راتسني، جاغن مو سڻگ کات، اڪو نق بري ماءِنسي فوجي کاکو. اتوا نق بري توهن فوجي کاکو، دق! فس جاغن مو سڻگ کات اڪو نق بري ماءِنسي برکن کاکو. دق جوگ! کالو اڪو دوق بوات بالسن تو لاکي، تنتو، اڪو تاءِ جاري همب هق کرج کالمسيح.

توهن هق فيليه فولوس بري باوا تيته المسيح

- 11 هي اديق براديق کو! اڪو نق رويت کافواق مو بري چرف کات، خبر يڄ باءِڪ هق اڪو بيلاس ميمفي تو، بوکن هق ماءِنسي کارغ سنديري، دق!
- 12 کران بوکن اڪو امبيق داورغ، بوکن اورغ اجر اڪو، دق، تافي عيسی المسيح سنديري توروٽ خبر تو، بري ماسوق هاتي کو.
- 13 فواق مو بيلاس نغر ده، کات، دولو اڪو دوق توروٽ اوکام يهوي نغن راجين. فس اڪو دوق بوات پاڻ تروق هابيس ۲ چيکف، کافواق المسيح هق جاني ميلي توهن دمان ۲ فون، اچي بولي،

- نق بري دي فونه .
- 14 دالم حال فڱ اوڪلم يهودي ، اڪو ماجو لبيه فد ڪباپڙڪن انق ۲  
مريد هق سفرينگت دغن اڪو ، ڪران اڪو براس گرم نق تورو  
عاده ۲ تو۽ نينيق مويڱ ڪيت ، اورغ يهودي .
- 15 تافي بلوم فد اورغ برانق ڪا اڪو لاڳي ، توهن تنجوق رحمة دي ،  
دغن فيليه اڪو ده ، بري دوق سوچي انتوق ڪرج دي .
- 16 فس بيلا توهن ڪهندق بري پات ڪا اڪو ، انق دي يڱ ساتو تو ،  
دغن توجوان نق بري اڪو ڪي رويت حال دي ڪا بغسا ۲ لائين ،  
17 فد ماس تو ، اڪو تاء امبيق نصيحة داورغ ، اتوا ڪا جروسليم فون  
نق مشورة دغن فواق هق باوا۽ تيته المسيح دولو فد اڪو ، اڪو  
تاء ڪي جوڳ . تافي اڪو ڪي تروس ڪا نڱري عرب ، فس تو ڪليق ڪا  
18 بندر دمشيك فول . لفس تيگ تاهون ، بارو اڪو ڪي ڪا ڪوت  
جروسليم ، انتوق نق ڪنل دغن فيتروس . فس اڪو دوق دغن دي  
دوا ميڱو ساج .
- 19 دسيتو اڪو تاء برجومفاء دغن اورغ لائين دالم فواق هق باوا۽ تيته  
المسيح تو ، ملينڪن يعقوب سئورغ ، هق جادي اديق ربي .  
20 دغن نام توهن اڪو تاء بوهوغ . هق اڪو توليس ني بنر بلاڪ .  
21 لفس فد تو اڪو ڪي ماسوق دالم ڪليواسن نڱري سيريا دغن ڪيليڪيا .  
22 فد ماس تو ، اورغ ۲ فواق المسيح دسرات نڱري يهوديه تو ، تاء  
ڪنل اڪو موڪ سام موڪ .
- 23 تافي دي بويي ڪابر اورغ رويت ڪات : اورغ هق بوات پاڻ ڪا  
ڪيت دولو تو ، لاني دي دوق رويت خبر باليق ايمان ڪيت ،  
هق دولو دي ڪاچڱ نق بري فونه !
- 24 فس دغن سابيت دغر چارا حال اڪو تو ، دي فوجي ڪا توهن .

فولوس رويت حال ڪي زياره ڪتوا ۲ دجروسليم

باب 2

لفس فد تو امفت بلس تاهون ، بارو اڪو ڪي ڪا جروسليم فول ،

دغن برنابس. تيتوس فون اكو باوا ۽ ڪي جوڳ.

2 اڪو ڪي تو، دغن سابيت توهن بري پات ڪا اڪو کات، ڪنا ڪي.

فس اڪو ڪي تمو سام سفواق سنديري دغن قواق ڪتوا هق ار

نام، رويت ڪا ري لفس سا ۲، بالس مان ايسي خبريڻ ٻاءِ ڪي

هق اڪو ميمفي ڪا اورڱ بڻسا لاءِ ۲، ڪران تاءِ سير بري سموا

ڪرڇ هق اڪو دوق بوات تو، جادي تاءِ ترفاڪي ساج.

3 فس تيتوس، سائين ڪو هق ڪي سڪالي دغن اڪو هاري تو، ولو

ري اورڱ بڻسا ڪريڪ هق تاءِ برسونت فون، تافي فواق تو تاءِ

فقسا تيتوس بري سونت.

4 ار جوڳ هق نق فقسا ري. دالم فواق هق فراچوم تو، ار

سفواق بوات سروف اديق براديق، ميليت ماسوق جادي مات ۲

نق تاهو بالس مان فواق ڪيت بولي ه لفس ده، ڪو جالن عيسيٰ

المسيح، درفد اتوران هق کات، ڪالو نق سلامت، ڪنا برسونه.

فس ري نق فقسا ڪيت، سوروه ڪليق توروت جالن برسونت تو

5 فول. تافي اڪو تاءِ هوندور ستافق فون، ڪران نق بري بولي ه

فيرا خبر ٻاءِ ڪي هق بنر تو، انتوق فواق مو.

6 فس فواق هق اورڱ تريما جاني ڪتوا تو، تاءِ ار ده هق ري نق

تمبه سوروه اڪو بوات. اڪو سبوت کات: هق اورڱ تريما سائني،

سبب توهن تاءِ تيغوق ڪا فريغڪت اورڱ کات تيغڪي رنده، ڪتوا

اتوا دق.

7 تافي سسوغڪوهڻ، فواق تو مڱاڪو کات توهن سره ده ڪا اڪو

ڪرڇ ميمفي خبريڻ ٻاءِ ڪي ڪا اورڱ بڻسا لاءِ ۲، سروف ري

سره ده ڪا فيتروس دولو، ڪرڇ ميمفي خبر تو ڪا اورڱ بڻسا

8 يهوي. ڪران دغن ڪواس توهن هق تولا، اڪو بولي ه باوا تيته

ري ڪي ڪا اورڱ بڻسا لاءِ ۲، سروف فيتروس بولي ه باوا تيته

توهن ڪي ڪا اورڱ بڻسا يهوي.

9 يعقوب، فيتروس دغن يحياءِ، ري هق اورڱ تريما جادي ڪتوا

فواق تو، مڱاڪو ڪات، توهنله هق سره ڪڙج هق فنتيڻ ني ڪا اڪو. سابيت تو، ڀي ماري جابت تاڻن برنابس دڻن اڪو، جاني تنڊاڪا ڪيت سما ڪڙج سلوروڻ، تافي برنابس دوا اڪو نق ڪڙج ڊنگري ۲ اورڻ بڻسا لائين، فس ڀي فول نق ڪڙج ڊنگري اورڻ بڻسا يهودي.

10 اڌ سڪارا ساڄ هق ڀي مينٽا، ڀايت نق بري اڪو ايت ڪا اورڻ ۲ مسڪين ڊالم فواق ڀي. فس جاني سڪارا ني له هق اڪو ڪاڇن نق بوات سعمور.

### فولوس تڱه فيٽروس ڊبندر انتيوخ

11 تافي لفس فد تو فول، بيلا فيٽروس ڳي ڪا بندر انتيوخ، اڪو فولوس لاون دڻن ڀي ڊافن اورڻ رامي، سبب اڪو تاهو تنٽو ڪات ڀي ساله.

12 جاني بالس ني. ڊولو فيٽروس ماڪن سميجا دڻن اورڻ بڻسا لائين ۲ تافي بيلا اورڻ ۲ بڻسا يهودي، هق يعقوب سوروه ڳي تو، سمفي ڪا بندر انتيوخ، فيٽروس هوندور ڳي ڊوق سوڪو فد اورڻ بڻسا لائين، سبب ڀي بيمڻ ٽاڪوٽ ڪا قوم تو هق ڪات، ڪالو نق سلامت ڪنا برسونت ڊولو.

13 فس دڻن سابيت فيٽروس بوات بالس تو، بايق اورڻ بڻسا يهودي فون بيمڻ سروف، ڀي، سهيڱ سمفي برنابس فون، بيمڻ سروف فيٽروس جوڳ.

14 بيلا اڪو نمفڪ ڪات هق ڀي بوات تو برگڊس دڻن هق بنر خبر يڻ ٻاڪ تو، اڪو فون رويت ڪا فيٽروس ڊافن اورڻ رامي سما تو، ڪات: ولو مو جاني بڻسا يهودي فون، تافي مو بولي ه ڊوق هيڊوف سروف اورڻ بڻسا لائين. بالس مان فول، مو بولي ه ٽڪن اورڻ بڻسا لائين بري ڊوق سروف اورڻ بڻسا يهودي؟ ٽا جاني!

ار سجالن ساج حق بوليه سلامت

- 15 سوڱوڳه فون، فواق اڪو ني برانق جادي بغسا ييهوي تاء سروف دغن اورغ بغسا لاءين ۲ حق لوار اوڪم، فس سابيت تو اورغ کات دي بردوسا.
- 16 تافي ڪيت تاهو ده کات، ڪو جالن فرچاي ڪا عيسى المسيح ساج، ڪيت تاء ساله دڦنداغن توهن. بوڪن ڪو جالن تورو اتوران ۲ دالم تورات. فس فواق اڪو، بغسا ييهوي فون، بالس تو جوڪ. ڪو جالن فرچاي ڪا عيسى المسيح ساج، توهن کات اڪو تاء ساله ده. بوڪن دغن تورو اتوران ۲ دالم تورات تو. ڪران تاء ار سئورغ هابوق حق توهن کات تاء ساله ڪران دي تورو اتوران ۲ تو.
- 17 سابيت تو، اڪو دوق چاري نق بري توهن کات، اڪو تاء ساله ده، ڪو جالن دوق سهاتي سپاوا دغن عيسى المسيح، فس جالن تو بري پات کات، اڪو فواق ييهوي فون اورغ بردوسا جوڪ. ڪالو بالس تو، بوليه ڪا دق اڪو کات، المسيح حق اجق اڪو بوات دوسا؟ تنتو تاء ليه!
- 18 ڪالو اڪو اغڪيت سمولا، جالن تورو اتوران ۲ دالم تورات حق اڪو بري رونتوه ڊولو تو، کات جالن تو انتوق سلامت، حق اڪو بوات تو بري پات کات اڪو بوات دوسا.
- 19 تنتغ دغن حڪوم ۲ تورات، سروف اڪو ماتي هرافن کات، بوليه جادي باء ڪو جالن تورات تو، فالينغ نق بوليه هيڊوف انتوق توهن سڪالي دغن المسيح.
- 20 اڪو ني ڪنا حڪوم بونوه سڪالي دغن المسيح، تڪه دي ماتي دڪايو امفت چايغ. معنائ اڪو دوق هيڊوف لاني، بوڪن دغن ڪواس ڪو سنڊيري، دق. تافي دغن ڪواس المسيح، حق هيڊوف دالم ڊيري ڪو. هيڊوف ڪو لاني برگنتوغ سمات ۲ ڪا انق توهن

21 هق کاسيه کا اکو سهيڱڻ قربان ڏيري ري کنتي کو.  
 اڪو ني تاءُ تولق رحمة توهن تو. اورغ هق سڱ کات ري  
 تاءُ ساله دفنداغن توهن، دغن کران ري تورو اتوران ۲ دالم  
 تورات، معنائ ري کيرا کات عيسی المسيح ماتي فري ۲ ساج.

### باب 3 هق مان نق تورو، جالن تورات اتوا جالن فرچاي؟

- 1 اوه فواق کلاتيا ني، بودوه سوڱوڱو! سياف هق کوسيق  
 مو بري کيلا تورو ري؟ ايڱتله! عيسی المسيح کنا بونوه  
 رکايو امفت چايغ تو. هق ني، اورغ هورا ري دافن مات فواق  
 مو، جلس بلاک ده.
- 2 جوابله سکارا! مو تريما رحمة توهن ڊولو تو، لاڱو مان؟ کو  
 جالن تورو اتوران ۲ دالم تورات که؟ اتوا کو جالن دغر خبر  
 يڱ باءِڪ، فس فرچاي؟ تنتو کو جالن فرچاي!
- 3 بودوه سوڱوڱو، فواق مو! جالن فرچاي تو مو ماسوق دغن روح  
 توهن. فس لاني، مو نق بري سود جالن دغن تورو اتوران ۲  
 هق مو سنڊيري که؟
- 4 باءِاف فرکارا ۲ بسر هق جايي کا فواق مو ڊولو، تاءُ بولييه حاصل  
 اف سکارا؟ جاڱدله بري روکي سموا تو!
- 5 فس، اڪو نق تان سکارا لاڱي. جالن مان توهن تورو روح ري  
 بري بولييه بوات فرکارا ۲ عجائب دالم فواق مو؟ کو جالن  
 تورو اتوران ۲ دالم تورات که، اتوا کو جالن دغر خبر يڱ باءِڪ  
 تو، فس فرچاي؟ تنتو کو جالن فرچاي.
- 6 ايڱت کا نبي ابراهيم فول، هق کيت دوق باج دالم کتاب کات:

ابراهيم فرچاي کا توهن. سابيت نيله، توهن حکوم  
 کات ري تاءُ ساله اف ۲.

- 7 دغن ايات نيله ، مو بوليه سدرکات ، اورغ ۲ هق جاني کتورون  
ابراهيم هق سجاتي ، دپاله اورغ هق توروت جالن فرچاي سروف  
8 دي. کتاب رویت ده دولوکات ، توهن نق کات اورغ بغسا لاین  
ت۹ ساله دنداغښ دي ، کالو اورغ بغسا لاین تو فرچاي. سابیت  
تو، بلوم فد سمفي ماس لاکي، کتاب بري تاهوده کا نبي ابراهيم  
خبر یغ بآءیک ، دالم ايات هق کات:

کو۹ جالن مو ، ابراهيم ، توهن نق بري ماءنسي سمو  
بغسا ، براونتوغ.

- 9 ابراهيم فرچاي ، فس دي فون برانتوغ. بالس تو ، سمو اورغ  
هق فرچاي سروف ابراهيم نق بوليه براونتوغ جوگ .  
10 اورغ هق برگنتوغ فد توروت اتوران ۲ دالم تورات ، کات نق بوليه  
سلامت کو۹ جالن تو ، دي دوق باوه مزک توهن. کران اد ايات  
دالم کتاب هق کات:

اورغ هق ت۹ بوات توروت دغن هالوس هالوسي ، سمو  
حکوم ۲ دالم تورات ، دي دوق باوه مرک توهن .

- 11 لاني کیت بوليه تاهو چرف کات ، دنداغښ توهن ت۹ اد سئورغ  
هابوق هق توهن بوليه کات ت۹ ساله ، دغن کران دي توروت  
اتوران ۲ دالم تورات. کران اد ايات هق کات:

اورغ هق توهن کات ت۹ ساله ، دغن کران اورغ تو  
فرچاي ، دپاله ساج هق توهن بري هیدوف چارا بارو.

- 12 تافي جالن توروت اتوران ۲ دالم تورات سائني تو ، ت۹ کنا کان  
دغن جالن فرچاي. سروف ايات دالم کتاب تورات کات:

اورغ هق بوات توروت سمو حکوم دالم تورات دغن سمفرن ،  
دپاله ساج هق بوليه هیدوف چارا بارو کو۹ جالن تو.



13- المسيح بياس دوق باوه مرك توهن گنتي کيت، کران اد ايات  
دالم کتاب هق کات:

سياف هق کنا گنتوڙ رکايو، تنداکات اورځ تو دوق  
باوه مرك توهن.

بالس تو، المسيح بري کيت لفس درفد مرك توهن، هق دوق  
اتس اورځ هق تاءوروت حکوم ۲ دالم تورات دغن سمفرن.  
14- توجوان سموا تو، نق بري فرکارا هق توهن جنجي کا ابراهيم  
دولو، بوليه تيرون کا اورځ بغسا لائين ۲ جوگ، ياءيت نق  
بري کيت بوليه تريما روح هق توهن جنجي تو، کوء جالن  
فرچاي کا عيسی المسيح.

### تورات تاءاد بري ليسوس فرجنجين توهن

15- هي اديق براديق! ننتي اكو بوات چنتوه هاري ۲ بري کا  
فواق مو. بيلا دوا اورځ ستوجو اتس ساتو فرکارا، فس بوات  
سورت جامين دافن سقسي، تاءاد سئورځ هابوق بوليه لارځ  
هق جنجي تو، اتوا تمبه فون.

16- فس دغن ابراهيم فول، توهن لتق جنجي دغن ابراهيم، فس  
دغن سئورځ کتورون دي جوگ. کتاب تاءکات توهن جنجي  
کا کتورون ۲ ابراهيم، معنائ بايق اورځ. دق! تافي کتاب کات  
توهن جنجي کا سئورځ کتورون ابراهيم، ياءيت المسيح.

17- مقصود کو بالس ني. توهن لتق جنجي اتس ساتو فرکارا دغن  
ابراهيم، فس جامين نق بري فنوه فرجنجين تو. لفس تو،  
امفت راتوس تيگ فولوه تاهون فول، بارو توهن تيرون کتاب  
تورات. فس تورات تو تاءليه لارځ اتوا بري ليسوس فرجنجين  
توهن هق تيرون دولو تو.

18- کالو فرکارا هق توهن جنجي نق بري کا کيت، کنا برسغکوت

فأوت فد تورات ، معنائ دي تاء برسغکوت فد فرجنجین توهن . تافي هق توهن کات نق بري کا ابراهيم دولو تو ، برسغکوت فأوت ده دغن فرجنجین دي .

### اف فائده تورات تو؟

- 19 کالو بالس تو ، اف فائده تورات تو؟ توهن تورون تورات بري بوليه تنجوق کات ، هق مان کيت ساله . فس بوليه فاكي سهيڱ کتورونن ابراهيم سئورغ تو تورون ماري . دي نق تريما فرکارا هق توهن جنجي کا ابراهيم . تورات تو بري کا تاغن ملايکه ۲ ، سمفي کا اورغ تغه دولو ، باروله سمفي کا ماءنسي . تافي دغن فرجنجین تو ، لائين . تاء کنا ار اورغ تغه ، کران توهن سا ساج هق جنجي .
- 20 بفکالي ار اورغ هق ارتي کات ، حکوم ۲ دالم تورات برلاون دغن فرجنجین توهن تو . دق سکالي ! کالو ار حکوم ۲ هق اورغ بوليه تورو انتوق هيذوف چارا بارو ، تنتو توهن نق کات ماءنسي . تاء ساله دفتداغن دي ، دغن سابيت تورو جالن حکوم ۲ تو . تافي بوکن بالس تو . کتاب کات ، تاء ار ده هق تاء ساله .
- 21 ماءنسي سموا کنا ايکت دوسا . بالس نيله ، هق توهن جنجي نق بري بوليه کا اورغ ، کنا برسغکوت فأوت فد ايمان هق تومغ کا عيسى المسيح . فس ، توهن نق بري کا اورغ هق فرچاي بالس تو ساج .
- 22 بلوم فد ار جالن فرچاي بالس تو ، کيت دوق ايکت کوروغ باوه کواس حکوم ۲ تورات ، ننتي هيڱ سمفي جالن فرچاي تو بري پات . حکوم ۲ تورات تو فون دوق مفاسوه کيت ، هيڱ سمفي
- 23 المسيح ماري نون ، نق بري کيت تاء ساله ده دفتداغن توهن ، کوء جالن فرچاي کا المسيح تو .
- 24 لانبي ، ماس ار جالن فرچاي تو سمفي ده ، فس حکوم ۲ تورات

- ٢٦ دغن جالن فرچاي توله فواق مو بغسا مان ٢ فون جايي انق ٢  
توهن، کران مو دوق ده سهاتي سپاوا دغن عيسى المسيح.  
٢٧ فواق مو هق تريما ده روکون مندي، دوق سهاتي سپاوا دغن ي.  
فس سابيت تو، توهن نمفق سروف مو دوق دالم ساروغ المسيح.  
٢٨ لاني تاء ده اف ٢ هق بري سوکو اورغ يهوي دغن اورغ بغسا  
لاين، اتوا اورغ فريغت جايي همب دغن اورغ تاء جايي همب،  
اتوا اورغ جنتن دغن اورغ بتينا فون. فواق مو سمو ماسوق  
جايي ساتو، کران مو دوق سهاتي سپاوا دغن عيسى المسيح.  
٢٩ اورغ هق جايي ميليک المسيح، معناق ي جايي کتورونن ابراهيم  
هق سجاتي. دپاله هق نق بوليه تريما اف ٢ هق توهن جنجي  
کا ابراهيم.

### ٢٩ انق ٢ توهن

### باب 4

- 1 ننتي اكو نق بنديغ كي لاكي. ميسل سئورغ بوق نق بوليه  
فريغت دغن هرت هق باف ي کوء دافن. سوغکوه فون ي نق  
تريما بلاک، تافي تکه بوق تو مودا لاكي، فق ي بوات کا ي  
سروف اورغ هق جايي همب ساج.  
2 ي کنا دوق باوه کواس اورغ ٢ هق مغاسوه اتوا دوق جاگ هرت  
ي، سهيغک سمفي هاري هق فق ي منتوده نق بري فرکارا ٢  
تو کا ي، بارو نق بوليه.  
3 بالس تو جوگ، بلوم فد فيکيران کيت ماسق، چارا حال جالن  
فرچاي تو، کيت فون جايي همب ٢ هق کنا توروت اتوران ٢  
فيشين اتس دنيا.  
4 تافي بيلا سمفي ماس هق توهن منتوده دولو، ي هنتر  
انق ي سنديري بري برانق داورغ بتينا، فس انق ي تو دوق  
٥ باوه فرينته حکوم ٢ تورات، انتوق بري لفس اورغ ٢ هق دوق

- 6 باوه فرينته حڪوم تورات تو، نق بري ڪيت بوليہ توبيت ڪي جادي انق ۲ توهن. تنڊا ڪات ڪيت جادي انق ۲ توهن تو، توهن هنتر روح انق يڄ ساتوهق دي، ماسوق دالم هاتي ڪيت. فس جادي روح نيله هق برسرو ڪا توهن، ڪات: ابا! معنائ يا باف!
- 7 توهن نيله هق بري مو جادي انق، تاء ڪنا همبرده. فس ڪران فواق مو ني جادي انق ۲ دي، توهن نق بري ڪقد مو سمو هق ني جنجي ده انتوق انق ۲ دي.

### فولوس دوق بيمڄ ترهاند فواق المسيح رڪلاتيا

- 8 دولو مو تاء ڪنل توهن. سابيت تو، مو ڪي سمبره ڪا بارغ ڪات توهن. تافي لاني مو مڱاڪو ده ڪا توهن هق سمبر، اتوا موليق لاڳي، اڪو ڪات، توهن مڱاڪو ده ڪا فواق مو. ڪالو بالس تو، باء اف مو نق ڪي جادي همب فول، دغن تورو اتوران فيسين اتس دنيا، هق تاء ار ڪواس نق تولوغ مو، فس تاء ليہ بري اف ۲ فون؟
- 10 باء اف مو دوق ايغت ڪا هاري، بولن، فرياغ راي اتوا تاهون فون ڪات فيسيد نق بوات فها؟ اڪو براس بيمڄ، نمفق سروف تاء ار حاصل، هق اڪو بوات دالم فواق مو.
- 12 هي اديق براديق ڪو! اڪو مينتاء فواق مو جوڳ ۲، مو دوقله، سروف اڪو، ڪران اڪو فون بياس دوق سروف فواق مو. دولو تو مو تاء بياس بوات ساله ڪا اڪو. مو بوليہ ايغت، بوڪن، بالس مان دولو تو، اڪو ار فلواغ بوليہ رويت خبريغ باء ڪ ڪا فواق مو، ڪران اڪو ساڪيت.
- 14 فد ماس تو، فپاڪيت ڪو جادي سروف فنچوپائن تروق ڪا فواق مو، تافي مو تاء هينا، تاء ڪويس اڪو، دق! مو سمبوت اڪو، سروف سمبوت ملائڪه، سروف جوڳ سمبوت عيسى المسيح سنديري!

- 15 فس لاني، هيلغ کي کامان، فراسان سوک هاتي مو تو؟ اکو تاهو کات، تکه تو، اچي بولي، مات فون مو نق چوليک بري
- 16 کا اکو. فس لاني فول، سوغ که، مو نق بوات اکو جادي سترو مو، سبب اکو رويت فرکارا سوغکوه کغد مو؟ رق!
- 17 اورغ ۲ هق بوات کاچو تو، ماري تنجوق بائیک کا فواق مو، تافي نيأت هاتي ري تاء بائیک. توجوان ري نق بري فواق مو ترفچت دغن اکو، انتوق نق کاءوت بري جادي کاسيه کا ري.
- 18 مولیقله، اورغ تنجوق بائیک کا فواق مو بيلا ۲ فون، اصل توجوان هاتي ري بائیک جوگ، بوکن کات تکه اکو دوق ار دغن فواق مو ساج، اورغ بولي تنجوق بائیک کا مو، رق!
- 19 هي انق ۲ کو هق اکو کاسيه! اکو براس سوسه هاتي کران فواق مو، تروق سروف اورغ بتينا ساکيت نق برانق، سهيغک فراغي المسيح توبيت دالم ديري مو.
- 20 فراسان هاتي کو بسر سوغکوه، اچي بولي، نق دوق سام فواق مو لاني جوگ، بري بولي کيچيق دغن مو، تاء کنا توليس. کران اکو تاء اره نق کامق ده، ترهادف مو!

---

فولوس امبيق روا اورغ بتينا هق دولو بوات چنتوه

---

- 21 هي اورغ ۲ دالم فواق مو، هق براس نق توروت سمولا اتوران ۲ دالم تورات انتوق سلامت، دغرله هق مان ار دالم تورات توا!
- 22 کات بالس ني. ابراهيم ار انق روا اورغ، سئورغ هق ني بولي دغن اورغ بتينا هق جاني همب، ياءيت هاجر. سئورغ لاگي بولي دغن اورغ بتينا هق تاء بياس جاني همب، ياءيت ساره.
- 23 انق هق ابراهيم بولي دغن اورغ بتينا همب تو، برانق کوء جالن هق تمار. تافي انق هق ري بولي دغن اورغ بتينا هق تاء جاني همب تو، برانق کوء جالن هق توهن جنجي تو. هق ني جاني چنتوه، کيت بولي فرهاتي تيغوق. کيت بولي بنديغ
- 24

دوا اورغ بتينا سائي، جاي دوا جالن توهن برهوبوغ دغن  
ماء نسي. يڻ ساتو تو، هاجر، هق جاي همب. فس انق ۲ ري  
فون برانق نق جاي همب جوگ. ري جاي چنتوه، فرهوبوغن  
توهن دغن ماء نسي دبوکيت طور سينا، تکه توهن توروڻ حکوم ۲  
کا نبي موسي تو.

25 هاجر تو، کيت بوليہ بنديغ سروف بوکيت طور سينا، دنگري  
اورغ عرب. فس بوليہ کات جوگ، ري سروف دغن کوت  
جروسليم دغن رعيت ۲ ري لاني، کران ري دغن انق ۲ ري سمو  
دوق جاي همب لاکي.

26 تافي مق فواق اکوفون، ديالہ سارہ هق تاء بياس جاي همب،  
هق بوليہ بنديغ دغن کوت جروسليم دشرگ.

27 کران اد ايات دالم کتاب، هق رويت حال ۲ ني کات:

هي اورغ بتينا هق مندول، گالقلہ کران سوک هاتي!  
هي اورغ بتينا هق تاء بياس برانق، ماء وغلہ! کران  
سرنق! سبب اورغ بتينا هق کنا تيغگل، انق ۲ ري  
نق اد بايق فد اورغ هق اد لاکي.

28 ايغتلہ، ادیق برادیق کو! فواق مو جاي انق ۲ توهن کوء جالن  
فرجنجين، سروف اسحاق، انق سارہ تو.

29 تکه دولو تو، بودق هق برانق کوء جالن تمار تو، بوات پاڻ  
کا ري هق برانق دغن کواس روح توهن. فس بالس تو جوگ  
لاني فون. تافي ايغتلہ کا ايات دالم کتاب هق کات:

30 همبتله اورغ بتينا هق جاي همب، سکالي دغن انق ري!  
کران تاء سوغ فاتوت انق همب تو، نق بوليہ سکیان هرت  
باف ري، سروف انق اورغ بتينا هق تاء بياس جاي همب.

31 هي ادیق برادیق کو! کيت ني بوکن انق ۲ اورغ بتينا هق جاي

همب، تافي انق ۲ اورغ بتينا هق تاء جاني همب تو.

## باب 5 مو کنا دوق سروف اورغ هق بوليه لفس ده

- 1 کيت لاني بوليه لفس ده، سبب المسيح بري کيت لفس. سابيت تو، کنا برديري تکفله، سروف اورغ هق بوليه لفس ده. فس جاغن ماسوق فول، دوق باوه فرينته اتوران هق بري مو جاني همب تو.
- 2 دغرله بري باءيك ۲! اکو فولوس کات، کالو مو برسونت جادي تنداکات سلامت، معنائ مو تاءليه ماکن جاس المسيح تو.
- 3 اکو نق فرايشت کا فواق مو سکالي لاگي، بري چرف کات، اورغ مان هق برسونت بالس تو، واجب کنا توروت سموا حکوم ۲ دالم تورات، دغن هالوسي، بارو نق بوليه سلامت.
- 4 کالو مو سغک کات مو تاءساله ده دغنداغن توهن کران مو کاجغ توروت حکوم ۲ تورات، معنا فرهوبوغن مو دغن المسيح تو، فوتوس ده. مو دوق جاءوه فد رحمة توهن تو.
- 5 تافي کيت، دغن کواس روح توهن، دوق ننتي نق بوليه هرافن کيت، ياءيت توهن نق کات کيت تاءساله دغنداغن دي، دغن سابيت کيت فرچاي.
- 6 کران، افبيل کيت دوق ساتو هاتي دغن المسيح، برسونت اتوا تاء برسونت فون تاءکيرا. هق مستحق، ياءيت جالن فرچاي، هق تنجوق کوء کاسيه.
- 7 دولو، فواق مو دوق توروت جالن فرچاي دغن موليق. سياف ماري سکت، تاءسير بري مو توروت هق بنر تو؟ تنتو دي هق ماري داي مو بالس تو، بوکن توهن، هق دوق فغکيل موسوروه توروت دي.
- 9 ايغثله! ايبو تفوغ سيکيت فون، بري کمبغ هابيس، ستوغکول تفوغ هق بسر.

10 تافي کران کيت دوق سہاتي سپاوا دغن المسیح مو اکو ، اکو بوليہ هارف کا فواق مو کات ، مو نق ستوجو دغن اکو حال ۲ني ، فس اورغ هق ماري کاجو مو تو ، فريغتک دي ستارا مان فون ، دي نق کنا حکوم دتوهن جوگ .

11 هي اديق براديق کو ! کالو سوغکوه سروف اورغ کات ، اکو دوق برشرح کات ، اورغ هق فرچاي تو واجب کنا برسونت کاتيق ، باءاف اورغ دوق بوات پاڻ کا اکو لاکي ؟ کالو بئر ، معنات هق اکو برشرح حال المسیح کنا حکوم دکايو امفت چايغ تو ، تاء بري اورغ سنتوق اف ۲ فون .

12 اورغ هق بري مو سراپوت ، کات مو کنا برسونت تو ، موليق دي کي فوتوغ توبوه دي سنديري ، بري تاءار بنيہ !

13 هي اديق براديق کو ! توهن فغکيل فواق مو ، سوروه دوق سروف اورغ هق بوليہ لفس ده . تافي هق مو بوليہ لفس تو ، مو کنا جاگ باءيک ۲له ! تاکوت نق بري فلواغ کا فواق مو فاليغ توروٽ هوا نفسو مو سکالي لاکي . موليقله مو دوق فادول مو اکو دغن تنجوق کاسيه .

14 کران ايسي سموا حکوم ۲ دالم تورات ، سلوروغ تولا دغن حکوم هق کات :

مو کنا کاسيه سام ۲ ماءنسي ، سروف مو کاسيه  
کا ديري مو سنديري .

15 تافي کالو مو بوات بيغکيغ سروف بناتغ ، بري ساکيت هاتي سام سنديري ، ننتي مو نق بري فونه هابيس ، فراغي موليق مو اکو دالم فواق مو .

فرينته هوا نفسو لائن فد فرينته روح توهن

مقصود کو بالس ني . بريله روح توهن فيمفين مو ، تکه دوق



- هيدوف لاني. بالس توله، هوا نفسو مو تاءليه بغه ناءيك.  
 17 کران اغن ۲ هوا نفسو مائسي جاني سترو دغن اغن ۲ روح توهن. کدوان دوق لاون کي ماري سعمور. سابيت توله، هق کيت دوق کهندق نق بوات موليق تو، تاءليه، سبب دوا بله دوق تينديه.
- 18 تافي اورغ هق بري روح توهن، فيمفين دي، تورات تاءار کواس نق بوليه حکوم دي کات ساله.
- 19 بوليه پات، اورغ هق توروت هوا نفسو دي دغن فرکارا هق دي بوات، ياءيت بوات زناء، بوات چافوغ، بوات هق تاءسوغ فاتوت دغن تاءمالو اف ۲.
- 20 دي سمبه کا برهالا، دي فاکي علمو بومور هنتو، دي براهي جادي سترو دغن اورغ، سوک کلاهي باله. دي چمبورو، موده موريه، دي دوق چاري هق دي نق سمات. دي سوک فچه بله دغن جادي فواق ۲. دي دوق بردهکي، دي ماکن ارق سهيغک
- 21 مابوق، دي کي برسائين دغن اورغ هق دوق توروت نفسو دي، فس فرکارا ۲ لائين سروف تو جوک. اکو رويت ده کا فواق مو فس لاني اکو نق فرايغت سکالي لاگي کات، اورغ هق تبیغ بوات سروف سبوت سائي، تاءليه سيکيت هابوق، فرکارا ۲ هق توهن جنجي کا اورغ هق دوق دالم فرينته دي راحيره.
- 22 تافي بيلا روح توهن دوق مرينته دالم هاتي اورغ، ار حاصلن موليق، ياءيت فراغي کاسيه، فراسان سوک ریا، دوق سنغ هاتي، بوليه صبر، کسياغ کا اورغ، بودي بائيك، بوليه هارف کا دي. دي بوليه رنده هاتي، فس بوليه جاگ ڊيري. تنتو تاءار اوندغ مان ۲ فون هق لارغ تاء بري بوات سروف تو.
- 23 اورغ مان ۲ هق جاني ميليق المسيح، طبيعة دي دولو تو، سکالي دغن سموا هوا نفسو اتوا اغن ۲ ري فون، دي امبيق کي فاکو دکايو امفت چايغ ده.

- 25 کيت بوليہ دہ ھيدوف چارا بارو کوء روح توهن. سابيت توله،  
کيت کنا بري روح توهن تو کموي کيت، تکه دوق ھيدوف لاني.  
26 جاغلہ کيت بوات سوموڻ اتوا بري براس هاتي مو اکو، اتوا  
فون دوق دڱي مو اکو.

## باب 6 تڱوڱن برت فون مو کنا کاچڱ تولوڱله مو اکو

- 1 هي اديق براديق کو! کالو سئورڱ دالم فواق مو، تيبا۲  
کلينجير ربه دالم دوسا، باءِڪ اورڱ هق روح توهن دوق  
کموي تو، کي دڱن لمه لمبوت، اڱکيت دي بري باڱون. فس،  
جاڱ باءِڪ ۲ جوڳ، ڊيري مو فون، بيمبڱ تاڪوت مو کلينجير  
ربه سروف ڏي.
- 2 تڱه دوق تڱوڱ بارڱ برت مان ۲، مو کنا تولوڱ منولوڱله مو اکو.  
بالس تو سوڱ دڱن هق المسيح سوروه.
- 3 کران اورڱ هق ڳامق کات دي اورڱ بسر، فس، سسوغڱوهڻ دق،  
4 اورڱ تو تيفو ڊيري سنڊيري. تافي مو کنا فريقساله اوکور کرج  
مو سنڊيري ماسيڱ ۲. کالو موليق ده ستارا هق مو بوات،  
بوليه فواس هاتي. مو تاءِ کنا اوکور دڱن کرج هق اورڱ لائين، کران  
گنڦ ۲ اورڱ ار کرج دي، ماسيڱ ۲.
- 5 اورڱ هق تڱه دوق تريما فغاچران چارا حال جالن ربي، دي  
کنا بري سڳيان اف ۲ هق دي ار، نق تولوڱ توءِ ڳورو.
- 7 جاڱن مو تيفو ڊيري مو سنڊيري! تاءِ ار سئورڱ هابوق، هق  
فندي راليه تاءِ مڱهادف توهن. کالو اورڱ تانم فادي، فادي جوڳ  
هق دي نق بوليہ حاصلن.
- 8 ميسل، کالو دي تانم دبندڱ هوا نفسو ڏي، کوء هوا نفسو تو  
جوڳ، دي نق بوليہ حاصلن، ياءِيت نق بناس. تافي کالو دي  
تانم دبندڱ روح توهن، کوء روح توهن تو جوڳ، دي نق  
بوليه حاصلن، ياءِيت ھيدوف هق ککل.

9 سابيت تو، جاڻندله ڪيت فواس بوات ڪڇ هق موليق، ڪران بيلا سمفي فرياغ، تنتو ڪيت نق بوليه ڪوتيف حاصلن، اصل ڪيت جاڻن لمه هاتي.

10 سابيت نيلاه، بايق مان ار فلواغ، بايق توجوگ ڪيت ڪنا بوات بائڪ ڪا سموا مائسي، تافي هق فنتيغ سڪالي، ڪا اديق براديق ڪيت هق توروت جالن فرچاي سروف ڪيت.

### فسنن فولوس هق سود

11 تيغوقله، بسرمان حروف ۲ ني، هق اڪو توليس دغن تاغن ڪو سنديري، نق بري مو چم

12 اورغ ۲ هق فقسا نق بري مو ڪنا برسونت تو، دي اڱڪيت ڊيري نق برگنتوغ فد تندا ۲ انتوق توبوه ساج. دي نق فقسا مو بالس تو، ڪران دي تاڪوت ڪات، ڪالو دي برشرح حال فرچاي ڪا عيسيٰ المسيح ماتي دڪايو امفت چايغ تو، فس هق تو سا ساج جالن هق نق بري بوليه سلامت، تنتو دي نق ڪنا پان.

13 سوڱو هق فون اورغ ۲ تو برسونت ده، تافي دي تاء توروت حڪوم ۲ دالم تورات دغن سمفرن. دي نق فقسا مو بري برسونت، ڪران برسونت تو بري دي بوليه ڪيچيق بسر، ڪات، فواق مو دوق

توروت دي دغن بوات اتوران دتوبوه مو. تافي باليق اڪو فول، اڪو تاء سير ار سبب مان ۲ بوليه ڪيچيق بسر، ملينڪن ار

14 سڪارا، دغن عيسيٰ المسيح، ربي ڪيت، ماتي دڪايو امفت چايغ تو. ڪو جالن تو، اتوران ۲ اتس دنيا تاء ڪنا گان دغن اڪو، ڪران اڪو ماتي ده ترهادف فرڪارا ۲ دنيا.

15 هق تو تاء فليق، برسونت اتوا دق فون. هق مستحق، ياءيت نق بوليه هيڊوف چارا بارو درفد توهن.

16 انتوق اورغ هق توروت جالن هيڊوف تو، اڪو مينتاء توهن تورون سلامت دغن ڪسياغ بلس اتس بي، فس اتس سموا هق

جاري ميليق توهن هق سجاتي.

17 سود سڪالي هق اڪو فسن ني، جاغله اورغ مان ۲ بوات بوسن

ڪا اڪولاڪي. سبب اڪو فون اد تندا جوگ، ڪات اڪو جاري

همب عيسو المسيح، يائيٽ هق نمفق فاروت ۲ رتوبوه ڪو.

18 هي ٻريق براديڪ، مينتاءه بري رحمة عيسو المسيح، ربي

ڪيت، دوق سڪالي دغن فواق مو سموا. امين.